

Daim Ntawv Teev Txog Cov Cai Ntawm Tus Neeg Nyob Hauv

MINNESOTA LUB TSEV TU NEEG LAUS THIAB LUB TSEV TU TUS NEEG
MUAJ HNUB NYOOG

Tus Neeg Sau Txog Txoj Cai Lij Choj

Nws yog lub hom phiaj ntawm Tsoom Fwv Pawg Neeg Sau Cai Lij Choj thiab lub hom phiaj ntawm cov lus hais no txhawm rau los txhawb tej kev txaus siab thiab kev noj qab nyob zoo ntawm cov neeg nyob hauv cov chaw muab kev saib xyuas kho mob rau fab kev noj qab haus huv.¹ Tsis muaj lub chaw twg muab kev saib xyuas kho mob rau fab kev noj qab haus huv uas yuav yuam kom tus neeg nyob hauv tso tseg cov cai no ua ib qho kev cai ntawm kev nkag mus rau lub chaw muab kev pab kho mob. Ib tug neeg saib xyuas me nyuam los sis tus neeg saib xyuas tus neeg nyob hauv tej chaw nyob los sis, yog tias tsis muaj tus neeg saib xyuas los sis tus neeg saib xyuas hauv chaw nyob, ib tus neeg uas muaj feem cuam tshuam, tuaj yeem thov kom muaj kev siv cov cai no tam tus neeg nyob hauv. Ib tug neeg uas muaj feem cuam tshuam kuj tseem yuav nrhiav kev siv cov cai no tam tus neeg nyob hauv uas muaj tus saib xyuas los sis tus saib xyuas chaw nyob los ntawm cov koom haum tuav tswj xyuas los sis hauv tsev hais plaub hauv nroog uas muaj cai txiav txim siab saib xyuas thiab tus neeg saib xyuas tau ib yam thiab Thaum tos qhov txiaj ntsig tau los ntawm kev txiav txim raws li txoj cai, lub tsev tu neeg laus los sis lub tsev tu tus neeg muaj hnuv nyoog, yuav ua raws li cov lus qhia los sis tus neeg saib xyuas me nyuam yaus los sis tus neeg saib xyuas chaw nyob uas muaj kev ntseeg mus rau qhov zoo. Nws yog lub hom phiaj ntawm ntu no txhawm rau kom ntseeg siab tau tias txhua tus neeg nyob hauv muaj kev ywj pheej thiab fab dab qhuas kev ntseeg uas pej xeeb huab hwm, suav nrog txoj cai kev txiav txim siab ntawm tus kheej yam muaj kev ywj pheej thiab kev paub txog cov kev xaiv uas twb muaj lawm, yuav tsis tau txais kev ua txhaum thiab kom lub tsev tu neeg laus los sis lub tsev tu tus neeg muaj hnuv nyoog muab kev pab txhawb siab thiab pab kom siv cov cai no tau yam puv npo.

Cov Ntsiab Lus Tshab Txhais

Txhawm rau lub hom phiaj ntawm cov lus hais no "tus neeg nyob hauv" txhais tau tias yog ib tus neeg uas tau mus pw kho rau hauv ib qho chaw saib xyuas mob uas tsis mob hnyav suav nrog cov chaw saib xyuas mob siv sij hawm ntev, tsev tu neeg laus, thiab lub tsev tu tus neeg muaj hnuv nyoog rau kev saib xyuas uas xav tau vim muaj kev mob hlwb los sis kev mob rau lub cev ncuaj sij hawm ntev los sis kev xiam oob qhab, kev txhim kho kom rov zoo li qub los ntawm kev raug mob los sis kab mob, los sis vim hnuv nyoog ntau zuj zus tuaj lawm xwb.

¹ Hauv daim ntawv no, lo lus tias "chaw muab kev pab kho mob" txhais tau tias yog tsev tu neeg laus los sis lub tsev tu tus neeg muaj hnuv nyoog.

Kev Tshaj Tawm Txog Txoj Cai Siv Rau Zej Tsoom Sawv Daws

Nws raug tshaj tawm tias yog txoj cai siv rau zej tsoom sawv daws ntawm lub xeev no tias cov txiaj ntsig ntawm txhua tus neeg nyob hauv yuav tsum tau txais kev tiv thaiv los ntawm kev tshaj tawm ntawm daim ntawv teev txog cov cai uas yuav suav nrog tab sis tsis txwv rau cov cai tau teev tseg hauv daim ntawv no.

Cov Ntaub Ntawv hais txog Cov Cai

Cov neeg nyob hauv yuav tsum tau qhia rau lawv, thaum lawv nkag mus pw kho mob, tias muaj cov cai fab kev cai lij choj rau lawv txoj kev tiv thaiv thaum lawv nyob hauv lub chaw muab kev pab kho mob los sis thoob plaws lawv tus qauv kawm ntawm kev kho mob thiab kev saib xyuas txhim kho hauv zej zog thiab tias cov no tau piav qhia hauv daim ntawv sau ua ke ntawm cov cai thiab cov tes hauj lwm yuav tsum tau ua uas tau teev tseg hauv ntu no. Yuav tsum muaj kev pab cuam uas muaj laj thawj rau cov neeg uas muaj teeb meem txog kev sib txuas lus thiab cov neeg uas hais lwm hom lus uas tsis yog lus As Kiv. Cov cai tam sim no ntawm lub tsev muab kev pab kho mob, cov txiaj ntsig tau los ntawm kev tshawb pom los ntawm cov chaw ua hauj lwm saib xyuas kev noj qab haus huv hauv lub xeev thiab hauv zej zos, thiab cov lus piav qhia ntxiv txog cov lus sau ntawm cov cai uas yuav tsum muaj rau cov neeg nyob hauv, lawv cov neeg saib xyuas los sis lawv cov neeg sawv cev uas tau xaiv thaum muaj kev thov rau tus tuav tswj los sis lwm tus neeg ua hauj lwm uas raug xaiv, raug raws li tshooj 13, Txoj Cai Hais Txog Cov Kev Ua Hauj Lwm Tswj Xyuas Ntaub Ntawv, thiab ntu 626.557, hais txog cov neeg laus uas tsis muaj zog.

Kev Paub Cai Rau Kev Kho Mob

Cov neeg nyob hauv muaj cai tau txais kev kho mob uas muaj kev ua siab zoo thiab kev sib hwm rau lawv cov neeg los ntawm cov neeg ua hauj lwm los sis cov neeg muab kev pab hauv lub chaw muab kev saib xyuas kev noj qab haus huv.

Kev Saib Xyuas Kev Noj Qab haus Huv Uas Tsim Nyog

Cov neeg nyob hauv yuav muaj cai tau txais kev kho mob thiab kev saib xyuas tus kheej uas tsim nyog raws li tus tib neeg cov kev xav tau. Kev saib xyuas kho mob uas ntsim nyog rau cov neeg nyob hauv uas txhais tau tias yog kev saib xyuas uas tau tawm qauv los pab kom cov neeg nyob hauv ua tau lawv tej hauj lwm hauv lub cev thiab lub hlwb uas zoo tshaj plaws. Txoj cai no raug txwv thaum qhov kev pab cuam tsis tau txais nyiaj them rov qab los ntawm cov peev txheej rau pej xeev los sis cov peev txheej ntiag tug.

Tus Kws Kho Mob, Tus Kws Tu Neeg Mob Uas Tau Rau Npe Cob Qhia Qib Siab, los sis Tus Neeg Pab Kws Kho Mob Txoj Kev Cim Thawj Txog Tus Kheej

Cov neeg nyob hauv yuav tsum muaj los sis tau txais, ua ntawv sau, lub npe, chaw nyob ntawm txoj lag luam, tus naj npawb xov tooj, thiab kev tshwj xeeb, yog tias muaj, ntawm tus kws kho mob, tus kws saib xyuas neeg mob siab uas tau rau npe cob qhia qib siab, los sis tus pab kws kho mob uas muaj lub luag hauj lwm saib xyuas rau kev qhia hauj lwm ntawm lawv txoj kev saib xyuas. Yog tias tsis tsim nyog kho mob, raws li tus kws kho mob koom nrog tau sau teev tseg, tus kws saib xyuas neeg mob siab uas tau rau npe cob qhia qib siab, los sis

tus neeg pab kws kho mob hauv tus neeg nyob hauv cov ntaub ntawv teev txog kev kho mob, cov ntaub ntawv yuav tsum tau muab rau tus neeg nyob hauv tus neeg saib xyuas los sis lwm tus neeg uas tau tsim tsa los ntawm tus neeg nyob hauv los yog tus neeg saib xyuas los sis lwm tus neeg uas tau tsim tsa los ntawm tus neeg nyob hauv los ua nws tus neeg sawv cev.

Kev Sib Raug Zoo nrog Lwm Cov Kev Pab Cuam Fab Kev Noj Qab Haus Huv

Cov neeg nyob hauv uas tau txais cov kev pab cuam los ntawm tus neeg muab kev pab cuam sab nrauv uas muaj cai, thaum thov, txhawm rau qhia kom paub tus neeg muab kev pab cuam lub npe. Cov neeg nyob hauv yuav tsum tau txais kev qhia, ua ntaub ntawv sau txog txhua cov kev pab cuam rau kev saib xyuas kho mob fab kev noj qab haus huv uas tau muab rau cov neeg nyob hauv los ntawm cov tib neeg, cov chaw ua hauj lwm, los sis cov koom haum uas tsis yog lawv lub chaw muab kev pab kho mob. Cov ntaub ntawv yuav tsum muaj lub npe ntawm tus neeg muab kev pab cuam sab nrauv, qhov chaw nyob, thiab kev piav qhia txog qhov kev pab cuam uas tej zaum yuav tau txais. Yog tias tsis tsim nyog rau fab kev kho mob, raws li tau sau tseg los ntawm tus kws kho mob koom nrog hauv tus neeg nyob hauv cov ntaub ntawv teev txog kev saib xyuas kho mob, cov ntaub ntawv yuav tsum muab rau tus neeg saib xyuas tus neeg nyob hauv los sis lwm tus neeg uas tus neeg nyob hauv tau xaiv los ua tus sawv cev.

Cov Ntaub Ntawv hais txog Kev Kho Mob

Cov neeg nyob hauv yuav tsum tau txais cov ntaub ntawv txhua yam thiab yog cov tshiab los ntawm lawv cov kws kho mob, cov kws tu mob uas tau sau npe cob qhia qib siab, los sis cov neeg pab kws kho mob uas cuam tshuam txog lawv qhov kev kuaj mob, kev kho mob, lwm txoj hauv kev xaiv, cov kev pheej hmoo thiab kev kuaj ntsuas yam raug cai los ntawm tus kws kho mob, cov kws tu mob uas tau sau npe cob qhia qib siab, los sis cov neeg pab kws kho mob lub luag hauj lwm fab kev cai lij choj uas yuav tau muab nthuav tawm. Cov ntaub ntawv no yuav tsum yog cov lus thiab hom lus uas cov neeg nyob hauv tuaj yeem nkag siab tau yam tsim nyog. Tej zaum cov neeg nyob hauv yuav muaj ib tug tswv cuab hauv tsev neeg los sis lwm tus neeg sawv cev uas lawv xaiv los nrog, los sis ob leeg tib si. Cov ntaub ntawv no yuav tsum suav nrog cov txiaj ntsig kho mob los sis kev puas siab puas ntsws loj uas ntxim li yuav tshwm sim ntawm qhov kev kho mob thiab nws lwm txoj hauv kev. Yog tias tsis tsim nyog rau fab kev kho mob, raws li tau sau tseg los ntawm tus kws kho mob koom nrog, cov kws tu mob uas tau sau npe cob qhia qib siab, los sis tus neeg pab kws kho mob hauv tus neeg nyob hauv cov ntaub ntawv teev txog kev saib xyuas kho mob, cov ntaub ntawv yuav tsum muab rau tus neeg saib xyuas tus neeg nyob hauv los sis lwm tus neeg uas tus neeg nyob hauv tau xaiv los ua tus sawv cev. Cov tib neeg muaj cai tsis lees txais cov ntaub ntawv no tau.

Txhua tus neeg nyob hauv uas muaj mob qog noj ntshav hauv lub mis txhua hom yuav tsum tau qhia kom meej ntxaws, ua ntej los sis thaum nkag mus pw kho mob thiab thaum lawv nyob hauv, txog lwm txoj hauv kev xaiv kho mob zoo los sis uas tus kws kho mob, cov kws tu mob uas tau sau npe cob qhia qib siab, los sis tus pab kws kho mob kom paub txog, suav nrog kev phais mob, kev kho mob siv duab ci hluav taws xob, los sis kev kho mob siv tshuaj khes mis kho los sis kev kho mob sib txuam ua ke thiab cov kev pheej hmoo uas cuam tshuam nrog txhua txoj hauv kev no.

Kev Koom Nrog hauv Txoj Phiaj Xwm Npaj Kho Mob

Kev Ceeb Toom Rau Cov Tswv Cuab Hauv Tsev Neeg Kom Paub:

1. Cov neeg nyob hauv yuav tsum muaj cai koom nrog txoj kev npaj lawv txoj kev saib xyuas kho mob rau fab kev noj qab haus huv. Txoj cai no suav nrog lub cib fim los tham txog kev kho mob thiab lwm txoj hauv kev nrog cov neeg saib xyuas ib tus zuj zus, lub cib fim los thov thiab koom nrog cov rooj sib tham txog kev saib xyuas raws kev raws cai, thiab txoj cai los suav nrog ib tug tswv cuab hauv tsev neeg los sis lwm tus neeg sawv cev uas raug xaiv, los sis ob qho tib si. Yog tias tus neeg nyob hauv tsis tuaj yeem tuaj koom tau, ib tug tswv cuab hauv tsev neeg los sis lwm tus neeg sawv cev uas raug xaiv los ntawm tus neeg nyob hauv tej zaum yuav tuaj yeem koom nrog cov rooj sib tham no.
2. Yog tias ib tug neeg nyob hauv uas nkag mus pw kho rau hauv ib lub tsev kho mob uas tsis nco qab los sis tsis xeev li los sis tsis tuaj yeem sib txuas lus tau, lub chaw muab kev pab kho mob yuav tsum ua raws li qhov yuav tsum tau ua hauv kab lus 3 txhawm rau los ceeb toom rau ib tug tswv cuab hauv tsev neeg los sis ib tus neeg uas raug xaiv ua ntaub ua ntawv los ntawm tus neeg nyob hauv ua tus neeg tiv tauj thaum muaj xwm txheej ceev tias tus neeg nyob hauv tsev kho mob tau raug coj mus rau hauv lub tsev kho mob. Lub chaw muab kev pab kho mob yuav tsum tso cai rau tus tswv cuab hauv tsev neeg koom nrog qhov kev npaj kho mob, tshwj tsis yog tias lub chaw muab kev pab kho mob paub los sis muaj laj thawj ntseeg tias tus neeg nyob hauv muaj daim ntawv sau qhia txoj hauv kev ua ntej uas siv tau rau qhov tsis sib xws los sis paub tias tus neeg nyob hauv tau sau qhia tseg tias lawv xav tau ib tus tswv cuab hauv tsev neeg koom nrog kev npaj kho mob tam sim no. Tom qab ceeb toom rau ib tug tswv cuab hauv tsev neeg kom paub tab sis ua ntej tso cai rau ib tug tswv cuab hauv tsev neeg txhawm rau koom nrog qhov kev npaj kho mob, lub chaw muab kev pab kho mob yuav tsum ua cov kev mob siab rau siab yam tsim nyog, ua raws li kev cob qhia fab kev kho mob yam tsim nyog, txhawm rau los txiav txim siab seb tus neeg nyob hauv puas tau ua raws li daim ntawv sau qhia txoj hauv kev ua ntej ntsig txog tus neeg nyob hauv cov kev txiav txim siab txog kev saib xyuas kho mob rau fab kev noj qab haus huv. Rau cov hom phiaj ntawm kab lus no, "cov kev mob siab siv zog uas tsim nyog" suav nrog:
 - a. Kev kuaj xyuas cov khoom ntiag tug ntawm tus neeg nyob hauv;
 - b. Kev kuaj xyuas cov ntaub ntawv teev txog kev kho mob ntawm tus neeg nyob hauv kev tswj hwm ntawm lub chaw muab kev pab kho mob;
 - c. Kev nug txog ib tus neeg uas koj yuav tsum tau tiv tauj thaum muaj xwm txheej ceev los sis ib tug tswv cuab hauv tsev neeg uas koj tau tiv tauj raws li ntu no seb tus neeg nyob hauv puas tau ua raws li daim ntawv sau qhia txoj hauv kev ua ntej thiab seb tus neeg nyob hauv puas muaj ib tus kws kho mob, ib tug kws tu mob uas tau sau npe cob qhia qib siab, los sis ib tus kws pab kws kho mob uas tus neeg nyob hauv feem ntau nyiam mus kho mob; thiab
 - d. Kev nug tus kws kho mob, tus kws tu mob uas tau sau npe cob qhia qib siab, los sis tus pab kws kho mob uas tus neeg nyob hauv tsev kho mob feem ntau nyiam mus kho mob, yog tias paub, seb tus neeg nyob hauv tsev kho mob puas tau ua raws li daim ntawv sau qhia txoj hauv kev ua ntej. Yog tias ib lub chaw muab kev pab kho mob tau ceeb toom rau ib tug tswv cuab hauv tsev neeg los sis tus neeg uas tau xaiv los tiv tauj thaum muaj xwm txheej ceev los sis tso cai rau ib tug tswv cuab hauv tsev neeg koom nrog qhov kev npaj kho mob raws li kab lus no, lub chaw muab kev pab kho mob tsis tau txais kev saib xyuas rau tus neeg nyob hauv tsev kho mob rau tej kev puas tsuaj vim tias qhov kev ceeb toom rau tus tswv cuab hauv tsev neeg los sis tus neeg uas yuav tau tiv tauj thaum muaj xwm txheej ceev los sis kev koom tes ntawm tus tswv cuab hauv tsev neeg tsis raug cai los sis tau ua txhaum txoj cai ntiag tug.

3. Hauv kev ua qhov kev mob siab sib zog ua txhawm rau ceeb toom rau ib tug tswv cuab hauv tsev neeg los sis tus neeg tiv tauj thaum muaj xwm txheej ceev uas tau xaiv tseg, lub chaw muab kev pab kho mob yuav tsum ua tib zoo txheeb xyuas cov tswv cuab hauv tsev neeg los sis tus neeg tiv tauj thaum muaj xwm txheej ceev uas tau xaiv tseg los ntawm kev kuaj xyuas cov khoom ntiag tug ntawm tus neeg nyob hauv thiab cov ntaub ntawv teev txog kev kho mob ntawm tus neeg nyob hauv kev tswj hwm ntawm lub chaw muab kev pab kho mob. Yog tias lub chaw muab kev pab kho mob tsis tuaj yeem ceeb toom rau ib tug tswv cuab hauv tsev neeg los sis tus neeg tiv tauj thaum muaj xwm txheej ceev uas tau xaiv tseg hauv 24 teev tom qab nkag mus pw kho, lub chaw muab kev pab kho mob yuav tsum ceeb toom rau lub koom haum pab cuam pej xeem hauv cheeb tsam nroog los sis lub chaw ua hauj lwm txog feem saib xyuas kev tswj txoj cai lij choj hauv lub zej zos tias tus neeg nyob hauv tsev kho mob tau txais kev kho mob lawm, thiab lub chaw muab kev pab kho mob uas tsis tuaj yeem ceeb toom rau ib tug tswv cuab hauv tsev neeg los sis tus neeg tiv tauj thaum muaj xwm txheej ceev uas tau xaiv tseg. Lub koom haum pab cuam pej xeem hauv cheeb tsam nroog thiab lub chaw ua hauj lwm txog feem saib xyuas kev tswj txoj cai lij choj hauv lub zej zos yuav tsum pab lub chaw muab kev pab kho mob txheeb nrhiav thiab ceeb toom rau ib tus tswv cuab hauv tsev neeg los sis tus neeg tiv tauj thaum muaj xwm txheej ceev uas tau xaiv tseg. Ib lub koom haum pab cuam pej xeem hauv cheeb tsam nroog los sis lub chaw ua hauj lwm txog feem saib xyuas kev tswj txoj cai lij choj hauv lub zej zos uas pab ib lub chaw muab kev pab kho mob hauv qhov kev siv qhov kev sib faib no tsis tau txais kev saib xyuas rau tus neeg nyob hauv rau kev puas tsuaj vim qhov kev ceeb toom ntawm tus tswv cuab hauv tsev neeg los sis tus neeg tiv tauj thaum muaj xwm txheej ceev los sis kev koom tes ntawm tus tswv cuab hauv tsev neeg tsis raug cai los sis ua txhaum txoj cai kev ntiag tug.
4. **Tus neeg muab kev txhawb nqa uas raug teev tseg.**
 - a. Ib lub chaw muab kev pab kho mob yuav tsum tso cai, yam tsawg kawg nkaus, ib tus neeg pab txhawb nqa uas raug teev tseg uas tau xaiv los ntawm tus neeg nyob hauv tsev kho mob yuav raug qhia rau tus neeg nyob hauv tsev kho mob thaum lub sijhawm uas tus neeg nyob hauv tsev kho mob qhov kev xaiv thaum tus neeg nyob hauv tsev kho mob nyob hauv lub chaw muab kev pab kho mob.
 - b. Rau lub hom phiaj ntawm qhov no, "tus neeg txhawb nqa uas tau xaiv tseg" txhais tau tias yog ib tus neeg uas tus neeg twg uas raug xaiv los ntawm tus neeg nyob hauv txhawm rau los muab kev xis nyob rau tus neeg nyob hauv, suav nrog tab sis tsis txwv rau tus neeg nyob hauv tus txij nkawm, tus khub, tus tswv cuab hauv tsev neeg, los sis lwm tus neeg uas muaj feem cuam tshuam nrog kev zoo sib xws.
 - c. Ib lub chaw muab kev pab kho mob yuav txwv los sis tsis pub muaj ib tus neeg pab txhawb nqa uas raug xaiv tseg hauv chaw kho mob los sis chaw phais mob, thaum qhov kev txwv los sis qhov kev txwv tsis pub no yog qhov tsim nyog tshaj kom ua tau raws li tus qauv kev saib xyuas uas tsim nyog. Ib lub chaw muab kev pab kho mob kuj tseem yuav txwv los sis txwv tsis pub muaj ib tus neeg txhawb nqa uas tau xaiv tseg yog tias tus neeg txhawb nqa uas tau xaiv tseg ntawv ua phem tsis zoo los sis muaj kev hais lus hem lwm tus. Ib lub chaw muab kev pab kho mob kuj yuav txwv tsis pub tus neeg nyob hauv tus neeg pab txhawb nqa uas tau xaiv tseg nyob ntawv mus txog qhov tsim nyog kom ntseeg tau tias tus neeg pab txhawb nqa uas tau xaiv tseg uas tsis yog tus neeg nyob hauv lub chaw muab kev pab kho mob tsis nyob hauv lub chaw muab kev pab kho mob rau lub sijhawm luv los sis ntev. Txhua qhov kev txwv los sis kev txwv tsis pub muaj ib tus neeg txhawb nqa uas tau raug xaiv los ntawm lub chaw muab kev pab kho mob yog raws li cov txheej txheem kev sau ua ntaub ntawv tsis txaus siab sab hauv ntawm lub chaw muab kev pab kho mob.

Kev Saib Xyuas Txuas Mus Ntxiv

Cov neeg nyob hauv yuav tsum muaj cai tau txais kev saib xyuas yam tsis tu ncuia thiab txuas ntxiv mus ntawm tus neeg ua hauj lwm txoj hauj lwm kom ceev li ceev tau raws li lub chaw muab kev pab kho mob tsab caij cov kev tso cai.

Txoj Cai rau Kev Tsis Kam Saib Xyuas Kho Mob

Cov neeg nyob hauv uas muaj peev xwm yuav muaj cai tsis kam txais kev saib xyuas kho mob raws li cov ntaub ntawv xav tau hauv ntu saum toj no hu ua "Cov Ntaub Ntawv hais txog Kev Kho Mob". Cov neeg nyob hauv uas tsis kam kho mob, tsis kam noj tshuaj, los sis cov kev txwv tsis pub noj zaub mov yuav tsum tau qhia txog tej yam uas ntxim li yuav ua rau muaj mob los sis puas siab puas ntsws loj yog tias tsis kam noj, nrog rau cov ntaub ntawv sau cia rau hauv cov ntaub ntawv teev txog kev kho mob ntawm tus kheej. Yog tias tus neeg nyob hauv tsev kho mob tsis muaj peev xwm nkag siab txog qhov tsos mob tab sis tsis tau raug txiav txim tias tsis muaj peev xwm, los sis thaum cov kev xav tau fab kev cai lij choj txwv tsis pub muaj kev kho mob, cov yam ntxwv mob thiab cov tsos mob yuav raug muab sau tseg kom tag nrho los ntawm tus kws kho mob koom nrog, tus kws tu mob uas tau sau npe cob qhia qib siab, los sis tus neeg pab kws kho mob hauv tus neeg nyob hauv cov ntaub ntawv teev txog kev kho mob.

Kev Tshawb Fawb Sim Kom Paub Qhov Tseeb

Yuav tsum tau txais kev tso cai ua ntawv sau ua ntej tus neeg nyob hauv yuav koom nrog qhov kev tshawb fawb sim kom paub qhov tseeb. Cov neeg nyob hauv muaj cai los tsis kam lees txais qhov kev koom nrog. Ob qho kev pom zoo thiab kev tsis kam lees yuav tsum tau muab sau tseg rau hauv cov ntaub ntawv teev txog kev kho mob ntawm tus kheej.

Kev Kho Mob Ntiag Tug

Cov neeg nyob hauv yuav muaj cai tau txais kev huab hwm thiab kev ceev ntiag tug raws li nws cuam tshuam txog lub khoos kas pab cuam kev kho mob thiab kev saib xyuas rau tus kheej. Kev sib tham txog qhov teeb meem, kev sab laj, kev kuaj mob, thiab kev kho mob yog kev zais cia tsis pub leej twg paub thiab yuav tsum tsis txhob taug xaiv. Yuav tsum tau huab hwm qhov kev ntiag tug thaum mus siv chav dej, kev da dej, thiab lwm cov dej num ntawm kev nyiam huv ntawm tus kheej, tsuas yog thaum xav tau rau kev nyab xeeb los sis kev pab ntawm cov neeg nyob hauv.

Cov Ntaub Ntawv Teev Tseg Tsis Pub Leej Twg Paub

Cov neeg nyob hauv yuav tsum tau lees tias yuav khaws lawv cov ntaub ntawv ntiag tug thiab cov ntaub ntawv teev txog kev kho mob zais cia tsis pub leej twg paub thiab kuj yuav pom zoo los sis tsis kam nthuav lawv tawm rau ib tus neeg twg uas tsis nyob hauv lub chaw muab kev pab kho mob. Cov neeg nyob hauv yuav tsum tau txais kev ceeb toom thaum muaj cov ntaub ntawv teev cia rau tus kheej uas tau thov los ntawm txhua tus tib neeg uas tsis nyob hauv lub chaw muab kev pab kho mob thiab kuj yuav xaiv tau ib tus neeg los nrog lawv ua ke thaum cov ntaub ntawv sau tseg los sis cov ntaub ntawv yog lub hom phiaj ntawm kev xam phaj ntiag tug. Cov ntawv theej ntawm cov ntaub ntawv sau tseg thiab cov ntaub ntawv sau los ntawm cov ntaub ntawv sau tseg yuav tsum muaj raws li ntu 144.291 txog 144.298. Txoj cai no siv tsis tau rau qhov kev soj qab xyuas qhov

kev tsis txaus siab thiab kev tshuaj ntsuam xyuas los ntawm Lub Tuam Tsev Hauj Lwm ntsig txog Kev Noj Qab Haus Huv, qhov uas yuav tsum tau them rau daim ntawv cog los ntawm tus neeg thib peb, los sis qhov uas txoj cai lij choj tau teev tseg ua lwm yam.

Kev Nthuav Qhia Cov Kev Pab Cuam Uas Muaj

Cov neeg nyob hauv yuav tsum tau qhia, ua ntej los sis thaum lub sijhawm mus pw kho mob thiab thaum lawv nyob hauv, txog cov kev pab cuam uas suav nrog rau hauv lub chaw muab kev pab kho mob tus nqi them ib hnuv los sis tus nqi them rau chav so txhua hnuv ntawm thiab muaj lwm yam kev pab cuam uas muaj nqi tsub ntxiv. Cov chaw muab kev pab kho mob yuav tsum mob siab ua txhua yam los pab cov neeg nyob hauv kom tau txais cov ntaub ntawv hais txog tias lub khoos kas pab ntawm Medicare los sis Medical yuav them rau ib qho los sis tag nrho cov kev pab cuam uas tau hais los saum toj no.

Kev Pab Cuam Uas Teb Tau Raws Li Kev Thov

Cov neeg nyob hauv yuav muaj cai tau txais kev teb yam sai thiab tsim nyog rau lawv cov lus nug thiab cov nqe lus thov.

Kev Ceev Tej Ntaub Ntawv Txog Ntiag Tug Tug

Cov neeg nyob hauv yuav muaj cai rau txhua qhov kev txiav txim siab txog lawv txoj kev ceev Tej Ntaub Ntawv Txog Ntiag Tug, tus kheej, thiab tus cwj pwm kev coj fab kab lis kev cai uas cuam tshuam nrog lawv txoj kev noj qab nyob zoo fab zej tsoom, fab dab qhuas kev ntseeg, thiab kev puas siab puas ntsws. Cov neeg ua hauj lwm ntawm lub chaw muab kev muab kev pab kho mob yuav tsum huab hwm qhov kev ceev Tej Ntaub Ntawv Txog Ntiag Tug ntawm tus neeg nyob hauv nws chav los ntawm kev khob lawv lub qhov rooj thiab thov kev tso cai ua ntej nkag mus, tshwj tsis yog thaum muaj xwm txheej ceev los sis qhov uas tsis tsim nyog nkag mus kiag li.

Kev Sib Txuas Lus Ntiag Tug

Cov neeg nyob hauv kuj yuav muaj cai sib txuas lus nrog cov neeg ua kev ntiag tug uas lawv xaiv thiab nkag mus thiab tawm hauv lub chaw muab kev pab cuam kho mob raws li lawv xaiv, tshwj tsis yog tias tau muab los ntawm Minnesota Txoj Cai Cog Lus uas tau teev tseg nkaus xwb. Cov neeg nyob hauv yuav tsum muaj kev nkag cuag tau rau, tab sis lawv yuav tsum them tus nqi, rau cov cuab yeej sau ntawv, cov ntawv sau, thiab tus nqi them rau pais xab nis xa ntawv. Kev xa ntawv ntawm tus kheej yuav tsum raug xa yam tsis muaj kev cuam tshuam thiab tau txais yam tsis tau qhib tshwj tsis yog tias muaj kev txwv rau fab kev kho mob los sis kev ua raws lub khoos kas pab cuam txoj cai thiab tau sau tseg los ntawm tus kws kho mob los sis tus kws tu mob uas tau sau npe cob qhia qib siab hauv cov ntaub ntawv teev txog kev kho mob. Yuav tsum siv tau lub xov tooj uas tus neeg nyob hauv tuaj yeem siv hu thiab txais xov tooj ua ke nrog rau kev sib tham ua kev ntiag tug. Cov chaw muab kev pab kho mob uas tsis muaj peev xwm qhia thaj chaw ntiag tug yuav tsum npaj kom tsim nyog txhwm rau los pab txhawb kev ntiag tug ntawm cov neeg nyob hauv txoj kev hu. Thaum lees txais mus pw kho rau hauv ib qho chaw muab kev pab kho mob uas tsoom fww tsab kev cai lij choj txwv tsis pub qhia cov ntaub ntawv txheeb xyuas tus neeg nyob hauv rau cov neeg hu xov tooj thiab cov qhua tuaj xyuas, tus neeg nyob hauv, los sis tus neeg saib xyuas raug cai los sis tus neeg saib xyuas tus neeg nyob hauv chaw nyob, yuav muaj lub cib fim los tso cai rau kev qhia txog tus neeg nyob hauv qhov kev tshwm sim rau hauv lub chaw muab kev

pab kho mob rau cov neeg hu xov tooj thiab cov qhua tuaj xyuas uas kuj xav sib txuas lus nrog tus neeg nyob hauv. Yog ua tau, tus neeg saib xyuas raug cai los sis tus neeg saib xyuas tus neeg nyob hauv chav nyob yuav tsum xav txog cov tswv yim kev xa ntawm tus neeg nyob hauv txog kev nthuav tawm txog tus neeg nyob hauv qhov kev tshwm sim nyob hauv qhov chaw muab kev pab kho mob ntawv. Txoj cai no raug txwv thaum tsis tsim nyog kho mob, raws li tau sau tseg los ntawm tus kws kho mob koom nrog los sis tus kws tu mob uas tau sau npe cob qhia qib siab hauv tus neeg nyob hauv qhov ntaub ntawv sau teev tseg txog kev saib xyuas kho mob. Yog tias muaj kev txwv los ntawm txoj kev npaj tiv thaiv kev siv tsis raug ntawm qhov chaw muab kev pab kho mob txoj cai rau Xeev Minnesota Cov Cai 626.557, Nqe 14, Kab Lus (b), txoj cai no kuj yuav raug txwv raws li ntawv thiab.

Khoom Ntiag Tug

Cov neeg nyob hauv kuj yuav muaj cai khaws cia thiab siv lawv cov khaub ncaws thiab khoom ntiag tug raws li qhov chaw seem uas tsim nyog, tshwj tsis yog tias ua li ntawv yuav txhaum cai rau lwm tus neeg nyob hauv, thiab tshwj tsis yog tias muaj kev txwv rau fab kev kho mob los sis lub khoos kas pab cuam vim muaj ntaub ntawv pov thawj teev txog kev kho mob, kev nyab xeeb, los sis cov laj thawj uas lub khoos kas tau teev tseg. Lub chaw muab kev pab kho mob yuav tsum muaj ib qho chaw khaws khoom cia uas xauv nruas phoo rau hauv nruab nrab los sis muab cov chaw khaws khoom ntiag tug uas raug xauv rau hauv uas cov neeg nyob hauv tuaj yeem khaws lawv cov khoom muaj nqis kom muaj kev nyab xeeb. Lub chaw muab kev pab kho mob kuj yuav them nyiaj rov qab rau los sis hloov pauv tej yam khoom uas tau ploj mus los sis raug nyiaj, tab sis tsis tas yuav tsum tau ua li ntawv.

Cov Kev Pab Cuam rau Lub Chaw Muab Kev Pab Kho Mob

Cov neeg nyob hauv yuav tsum tsis txhob ua hauj lwm los sis muab cov pab cuam rau lub chaw muab kev pab kho mob tshwj tsis yog tias cov dej num ntawv suav nrog rau lub hom phiaj kev kho mob thiab tsim nyog hauv lub hom phiaj uas cuam tshuam txog lawv cov ntaub ntawv teev txog kev kho mob rau tus kheej.

Kev Xaiv Tus Neeg Muag Khoom

Cov neeg nyob hauv kuj tuaj yeem yuav khoom los sis xauj cov khoom noj los sis cov kev pab cuam uas tsis suav nrog tus nqi them txhua hnuv los ntawm tus neeg muag khoom uas lawv xaiv tshwj tsis yog tias muaj lwm txoj cai raws li teev tseg los ntawm tsab kev cai lij choj. Tus neeg muag khoom yuav tsum xyuas kom meej tias cov kev yuav khoom no muaj txaus los ua kom tau raws li cov kev xav tau fab kev kho mob los sis kev kho mob ntawm cov neeg nyob hauv.

Kev Cuam Tshuam Txog Fab Nyiaj Txiag

Tus neeg nyob hauv kuj yuav muaj peev xwm tswj xyuas lawv txoj kev tuav tswj nyiaj txiag ntiag tug los sis yuav tsum tau txais kev ceev nyiaj yam tsawg kawg yog txhua peb lub hlis twg ntawm kev xa nyiaj tawm mus los rau lawv yog tias lawv muab lub luag hauj lwm lav ris no raws li txoj cai lij choj ntawm Minnesota rau lub chaw muab kev pab kho mob rau txhua ncu sij hawm.

Txoj Cai Kev Sib Koom Pob Peev

1. Cov neeg nyob hauv kuj yuav tuaj yeem ntsib nrog thiab txais tos cov qhua tuaj xyuas thiab koom nrog cov dej num fab kev ua lag luam, fab dab qhuas kev ntseeg, fab kev nom kev tswv, raws li tau tshab txhais tseg hauv ntu 203B.11 (Kev Pov Npav Ua Ntej) thiab cov pab pawg hauv zej zog yam tsis muaj kev cuam tshuam raws li lawv txoj kev txiav txim siab yog tias cov dej num no tsis cuam tshuam rau txoj cai ntiag tug ntawm lwm tus neeg nyob hauv los sis tsis raug cuam tshuam rau txoj cai ntawm lub khoos kas pab cuam. Qhov ntawm no suav nrog:
 - a. Txoj cai koom nrog lwm tus neeg sab hauv thiab sab nrauv ntawm lub chaw muab kev pab kho mob txhawm rau los ua hauj lwm rau kev txhim kho hauv kev saib xyuas mus sij hawm ntev;
 - b. Txoj cai rau ib tus neeg tuaj xyuas los ntawm ib tug neeg mob tau xaiv los ua tus neeg mob ntawv tus neeg sawv cev rau kev saib xyuas kho mob rau fab kev noj qab haus huv nyob rau hauv tshooj 145C;
 - c. Txoj cai rau kev mus xyuas thiab kev txiav txim siab txog kev saib xyuas kho mob rau fab kev noj qab haus huv los ntawm ib tus neeg uas tus neeg nyob hauv tau xaiv tseg nyob rau hauv kab lus 3 ntawm ntu no.
2. Thaum lees txais mus pw kho rau hauv ib qho chaw muab kev pab kho mob uas tsoom fww tsab kev cai lij choj txwv tsis pub qhia cov ntaub ntawv txheeb xyuas tus neeg nyob hauv rau cov neeg hu xov tooj thiab cov qhua tuaj xyuas, tus neeg nyob hauv, los sis tus neeg muab kev saib xyuas raug cai los sis tus neeg saib xyuas tus neeg nyob hauv qhov chaw nyob, yuav muaj lub cib fim los tso cai rau kev qhia txog tus neeg nyob hauv qhov kev tshwm sim rau hauv lub chaw muab kev pab kho mob rau cov neeg hu xov tooj thiab cov qhua tuaj xyuas uas kuj xav sib txuas lus nrog tus neeg nyob hauv. Yog ua tau, tus neeg saib xyuas raug cai los sis tus neeg muab kev saib xyuas tus neeg nyob hauv chav nyob yuav tsum xav txog cov tswv yim kev xa ntawm tus neeg nyob hauv txog kev nthuav tawm txog tus neeg nyob hauv qhov kev tshwm sim nyob hauv qhov chaw muab kev pab kho mob ntawv.
3. Thaum nkag mus pw kho rau hauv ib lub chaw muab kev pab kho mob, tus neeg nyob hauv los sis tus neeg saib xyuas raug cai los sis tus neeg saib xyuas tus neeg nyob hauv chav nyob, yuav tsum muab lub cib fim los xaiv ib tus neeg uas tsis txheeb ze nrog uas yuav muaj qhov txheej xwm ntawm tus neeg nyob hauv txoj kev sib txheeb ze tshaj plaws txog kev mus xyuas thiab kev txiav txim siab rau kev saib xyuas kho mob rau fab kev noj qab haus huv yam muaj kev huab hwm. Yuav tsum qhia txog qhov kev sib txheeb ze ntawv rau hauv daim ntawv teev txog keeb kwm kev kho mob ntawm tus neeg nyob hauv. Hais txog kev ua kev txiav txim siab txog kev saib xyuas kho mob rau fab kev noj qab haus huv, daim ntawv qhia txog kev saib xyuas kho mob rau fab kev noj qab haus huv los sis kev xaiv tus neeg sawv cev rau kev saib xyuas kho mob rau fab kev noj qab haus huv raws li Lub Xeev Minnesota Cov Cai tshooj 145C muaj hwj chim dua li daim ntawv xaiv tsa uas nyob rau hauv kab lus no. Tus neeg uas tsis muaj feem cuam tshuam txog kuj tseem yuav raug txheeb xyuas los ntawm tus neeg nyob hauv los sis los ntawm tus neeg nyob hauv tsev neeg.

Kev Ceev Tej Ntaub Ntawv Txog Ntiag Tug Ntawm Pab Pawg Kws Muab Pab Tawm Tswv Yim

Cov neeg nyob hauv thiab lawv cov tsev neeg yuav muaj cai los npaj, tswj xyuas, thiab koom nrog cov pab pawg muab kev pab tawm tswv yim rau cov neeg nyob hauv thiab cov tsev neeg. Txhua lub chaw muab kev pab kho mob yuav tsum muab kev pab thiab tseg chaw rau kev sib tham. Cov rooj sib tham ntawm pawg sab

laj yuav tsum muaj kev ceev Tej Ntaub Ntawv Txog Ntiag Tug, uas muaj cov neeg ua hauj lwm los sis cov qhua tuaj koom tsuas yog thaum pab pawg neeg sab laj caw tuaj nkaus xwb. Ib tug neeg ua hauj lwm yuav raug xaiv los ua lub luag hauj lwm lav ris ntawm kev muab qhov kev pab no thiab kev teb cov lus thov sau ntawv uas yog los ntawm cov rooj sib tham ntawm pawg muab kev sab laj. Cov pawg neeg muab kev sab laj rau tus neeg nyob hauv thiab cov tsev neeg yuav tsum tau txhawb siab kom muab cov lus qhia txog cov cai ntawm kev tu neeg mob los sis tsev tu neeg laus.

Cov Neeg Nyob Hauv Uas Twb Sib Yuav Lawm

Cov neeg nyob hauv, yog tias lawv tau sib yuav lawm, yuav tsum tau xyuas kom paub tseeb tias lawv tus txij nkawm tuaj xyuas lawv thiab, yog tias ob khub txij nkawm yog cov neeg nyob hauv lub tsev kho mob, lawv yuav tsum tau tso cai sib koom ib chav tshwj tsis yog tias muaj kev txwv rau fab kev kho mob thiab lawv cov kws kho mob tau sau tseg rau hauv cov ntaub ntawv teev txog kev kho mob.

Kev Hloov Chaw thiab Kev Tshem Tawm

Cov neeg nyob hauv yuav tsum tsis txhob muab hloov chaw los sis tshem tawm yam tsis saib ntsej saib muag. Cov neeg nyob hauv yuav tsum tau txais kev ceeb toom, ua ntawv sau, qhia txog qhov kev npaj yuav muab tshem tawm los sis hloov chaw thiab nrog rau nws qhov laj thawj tsis pub dhau 30 hnub ua ntej tshem tawm ntawm lub chaw muab kev pab kho mob thiab xya hnub ua ntej hloov chaw mus rau lwm chav hauv lub chaw muab kev pab kho mob. Daim ntawv ceeb toom no yuav tsum suav nrog tus neeg nyob hauv txoj cai txhawm rau los tawm tsam qhov kev nqis tes ua uas tau npaj tseg, nrog rau qhov chaw nyob thiab tus naj npawb xov tooj ntawm Tus Neeg Kuaj Xyuas Daws Teeb Meem Kev Saib Xyuas Ncua Sij Hawm Ntev hauv cheeb tsam raws li Haiv Neeg Mes Kas Txoj Cai Lij Choj Txog Neeg Laus, ntu 307(a)(12). Tus neeg nyob hauv, uas tau qhia txog txoj cai no, kuj yuav muaj cai xaiv txhawm rau los hloov chaw ua ntej ncuaj sij hawm ceeb toom xaus. Lub sij hawm ceeb toom tej zaum yuav muab ua kom luv dua hauv cov xwm txheej uas tsis yog nyob hauv lub chaw muab kev pab kho mob qhov kev tswj hwm, xws li kev txiav txim siab los ntawm kev tshawb xyuas kev siv, qhov chaw nyob ntawm cov neeg nyob tshiab, kev hloov pauv hauv tus neeg nyob txoj kev kho mob los sis lub khoos kas pab cuam kev kho mob, tus neeg nyob hauv tus kheej los sis lwm tus neeg nyob hauv txoj kev noj qab haus huv, los sis tsis them nyiaj rau kev nyob hauv tshwj tsis yog tias raug txwv los ntawm lub khoos kas pab cuam rau pej xeem los sis cov kev pab cuam them nyiaj rau tus neeg nyob txoj kev saib xyuas, raws li tau sau tseg hauv cov ntaub ntawv teev txog kev kho mob. Cov chaw muab kev pab kho mob yuav tsum mob siab siv zog ua kom haum rau cov neeg nyob tshiab yam tsis cuam tshuam txog kev faib chav nyob.

Cov Kev Pab Cuam Tiv Thaiv thiab Kev Pab Tawm Tswv Yim

Cov neeg nyob hauv yuav muaj cai nkag cuag tau rau cov kev pab cuam tiv thaiv cov cai thiab cov kev pab cuam tawm tswv yim raws sij hawm uas tsim nyog kom tus neeg nyob hauv tau txais kev pab kom nkag siab, kev siv, thiab tiv thaiv cov cai uas tau piav qhia hauv Daim Ntawv Sau Txog Cov Cai no thiab lwm txoj cai. Txoj cai no yuav tsum suav nrog lub cib fim rau kev sib txuas lus ntiag tug ntawm tus neeg nyob hauv thiab tus neeg sawv cev ntawm qhov kev pab cuam tiv thaiv cov cai los sis kev pab cuam tawm tswv yim.

Cov Cuab Yeej Kho Mob

1. Cov neeg nyob hauv tsev laus uas muaj peev xwm, cov tswv cuab hauv tsev neeg ntawm cov neeg nyob hauv uas tsis muaj peev xwm, thiab cov neeg saib xyuas tus neeg chav nyob, cov neeg saib xyuas, thiab cov neeg sawv cev rau kev saib xyuas kho mob rau fab kev noj qab haus huv uas raug xaiv los ntawm txoj cai raws li tau tshab txhais hauv ntu 145C.01, muaj txoj cai thov thiab pom zoo rau kev siv qhov khoom siv khi lub cev txhawm rau kho cov tsos mob ntawm tus neeg nyob hauv.
2. Thaum tau txais daim ntawv thov kom muaj qhov khoom siv tsis pub ua phem tau rau lub cev, lub tsev tu neeg laus yuav tsum qhia rau tus neeg nyob hauv, tus tswv cuab hauv tsev neeg, los sis tus neeg sawv cev raug raws li txoj cai txog lwm txoj hauv kev thiab cov kev pheej hmoo uas cuam tshuam nrog kev siv qhov khoom siv tsis pub ua phem rau lub cev. Lub tsev tu neeg laus yuav tsum muab qhov khoom khi lub cev rau tus neeg nyob hauv tsuas yog thaum tau txais daim ntawv kos npe pom zoo muab kev tso cai siv qhov khoom siv khi thiab daim ntawv txib sau los ntawm tus kws kho mob koom nrog, tus kws tu mob uas tau sau npe cob qhia qib siab, los sis tus pab kws kho mob uas muaj cov lus hais thiab kev txiav txim siab txog cov tsos mob thiab qhia meej txog cov tsos mob uas yuav tau siv qhov khoom khi.
3. Ib lub tsev tu neeg laus uas muab kev txwv tsis pub mus ncig raws li kab lus 2 yuav tsum:
 - a. sau ntawv tseg tias cov txheej txheem uas tau teev tseg hauv kab lus ntawv tau raug ua raws li;
 - b. saib xyuas kev siv txoj qhov khoom khi los ntawm tus neeg nyob hauv; thiab
 - c. yuav xyuas tsis tu ncu, los ntawm kev sab laj nrog tus neeg nyob hauv, tsev neeg, thiab tus kws kho mob koom nrog, tus kws tu mob uas tau sau npe cob qhia qib siab, los sis tus pab kws kho mob, rov ntsuam xyuas qhov xav tau ntawm tus neeg nyob hauv rau qhov khoom siv los khi.
4. Ib lub tsev tu neeg laus yuav tsis raug nplua, nplua nyiaj rau pej xeeb txoj cai, los sis lwm yam kev daws teeb meem los ntawm lub xeev los sis toom fww tsuas yog vim muaj kev tso cai siv qhov khoom siv los khi lub cev raws li tau tso cai hauv nqe lus no. Tsis muaj dab tsi hauv nqe no yuav txwv tsis pub tus thawj coj ua lub luag hauj lwm los tiv thaiv kev noj qab haus huv thiab kev nyab xeeb ntawm tus neeg nyob hauv yog tias:
 - a. kev siv qhov khoom siv khi tau ua rau muaj kev phom sij rau kev noj qab haus huv thiab kev nyab xeeb ntawm tus neeg nyob hauv; thiab
 - b. lub tsev tu neeg laus ua tsis tau raws li cov kev ntsuas uas tsim nyog los tiv thaiv kev noj qab haus huv thiab kev nyab xeeb ntawm tus neeg nyob hauv.
5. Rau cov hom phiaj ntawm nqe no, "cov tsos mob fab kev kho mob" suav nrog:
 - a. kev txhawj xeeb txog kev nyab xeeb rau lub cev ntawm tus neeg nyob hauv; thiab
 - b. cov kev xav tau ntawm lub cev los sis lub hlwb uas tus neeg nyob hauv tau hais tawm los. Tus neeg nyob hauv txoj kev ntshai ntog tej zaum kuj yuav yog lub hauv paus ntawm cov tsos mob fab kev kho mob.

Ib daim ntawv txib sau los ntawm tus kws kho mob koom nrog, tus kws tu mob uas tau sau npe cob qhia qib siab, los sis tus pab kws kho mob uas muaj cov lus hais thiab kev txiav txim siab txog cov tsos mob fab kev kho mob yog ib qho pov thawj txaus rau tej yam tseem ceeb ntsig txog kev kho mob ntawm kev siv qhov khoom khi rau lub cev.

6. Thaum ua kev txiav txim siab tias qhov chaw muab kev saib xyuas kho mob puas ua raws li lub xeev thiab tsoom fvw cov qauv zoo rau kev siv cov khoom siv khi lub cev, tus thawj coj muaj cai saib xyuas kev noj qab haus huv raug khi los ntawm cov lus hais thiab kev txiav txim siab uas muaj nyob hauv tus kws kho mob koom nrog, cov kws tu mob uas tau sau npe cob qhia qib siab, los sis tus pab kws kho mob cov lus txib hais txog cov tsos mob fab kev kho mob. Rau cov hom phiaj ntawm daim ntawv txib no, "cov tsos mob fab kev kho mob" suav nrog qhov kev thov los ntawm tus neeg nyob hauv uas muaj peev xwm, tus tswv cuab hauv tsev neeg ntawm tus neeg nyob hauv uas tsis muaj peev xwm, los sis tus neeg saib xyuas qhov chaw nyob, tus neeg saib xyuas, los sis tus neeg sawv cev rau kev saib xyuas kho mob rau fab kev noj qab haus huv uas raug xaiv raws li txoj cai uas tau txhais hauv ntu 145C.01, tias lub chaw muab kev pab kho muab qhov khoom siv khi rau lub cev kom txhim kho kev nyab xeeb rau lub cev ntawm tus neeg nyob hauv.

Keu Raug Tso Los Ntawm Kev Ua Pnem Tsim Txom

Cov neeg nyob hauv yuav tsum tsis txhob raug kev tsim txom raws li tau tshab txhais tseg hauv Txoj Cai Tiv Thaviv Cov Neeg Laus Uas Tsis Muaj Zog. "Kev ua phem tsim txom" txhais tau tias yog kev coj cwj pwm uas tau piav qhia hauv Ntu 626.5572, Nqe 15, los sis kev ua rau lub cev mob los sis raug mob uas yog kev tab meej ua thiab tsis yog kev kho mob, los sis txhua yam kev coj cwj pwm uas xav ua kom muaj kev puas siab puas ntsws los sis kev ntxhov siab tu siab ua ntu zus tsis tseg li. Txhua tus neeg nyob hauv tsev kho mob yuav tsum tsis txhob raug txwv tsis pub siv tshuaj khes mis thiab kev siv qhov khoom los khi lub cev uas tsis yog kev kho mob, tshwj tsis yog thaum muaj xwm txheej ceev uas tau sau tseg yam meej ntxaws, los sis raws li tau txais kev tso cai ua ntawv sau tom qab kev kuaj xyuas los ntawm tus neeg nyob hauv tus kws kho mob, tus kws tu mob uas tau sau npe cob qhia qib siab, los sis tus pab kws kho mob kuaj xyuas rau lub sij hawm tshwj xeeb thiab raug txwv, thiab tsuas yog thaum tsim nyog los tiv thaviv tus neeg nyob hauv tsev kho mob kom tsis txhob raug mob rau tus kheej los sis raug mob rau lwm tus.

Keu Tsis Txaus Siab

Cov neeg nyob hauv yuav tsum tau txais kev txhawb siab thiab pab, thoob plaws lawv txhua tus nyob hauv ib lub chaw muab kev pab kho mob los sis lawv tus qauv ntawm txoj kev kho mob, kom nkag siab thiab siv lawv txoj cai tam li yog cov neeg nyob hauv thiab cov pej xeem. Cov neeg nyob hauv kuj yuav muaj cai tawm lus tsis txaus siab thiab tau qhia kom hloov cov cai thiab cov kev pab cuam rau cov neeg ua hauj lwm hauv lub chaw muab kev pab kho mob thiab lwm tus neeg uas lawv xaiv, tsis pub muaj qhov khoom siv khi, kev cuam tshuam, kev quab yuam, kev ntxub ntxaug, los sis kev ua pauj, suav nrog kev hais lus hem kom raug tso tawm. Daim ntawv ceeb toom txog cov txheej txheem kev tsis txaus siab ntawm lub chaw muab kev pab kho mob los sis lub khoos kas muab kev pab cuam, ua ke nrog rau cov chaw nyob thiab tus naj npawb xov tooj rau Chaw Ua Hauj Lwm Saib Xyuas Kev Tsis Txaus Siab ntawm Lub Chaw Saib Xyuas Kev Noj Qab Haus Huv thiab Tus Neeg Kuaj Xyuas Daws Teeb Meem Kev saib Xyuas Mus Sij Hawm Ntev hauv cheeb tsam raws li Hais Neeg Mes Kas Txoj Cai Lij Choj Txog Neeg Laus, Ntu 307(a)(12) yuav tsum tau muab tso rau hauv qhov chaw uas pom tau yooj yim.

Cov Chaw Muab Kev Pab Cuam

LUB CHAW HAUJ LWM SAIB XYUAS TXOG KEV TSIS TXAUS SIAB (OFFICE OF HEALTH FACILITY COMPLAINTS

(651) 201-4200/1-800-369-7994

health.ohfc-complaints@state.mn.us

Chaw Nyob Xa Ntawv:

Minnesota Lub Tuam Tsev Ua Hauj Lwm Saib Xyuas Kev Noj Qab Haus Huv (Minnesota Department of Health)

Lub Chaw Hauj Lwm Saib Xyuas Txog Kev Tsis Txaus Siab (Office of Health Facility Complaints)

P.O. Box 64970

St. Paul, MN 55164-0970

MINNESOTA LUB CHAW TSHAJ TAWM KEV TSIM TXOM TUS NEEG LAUS (MAARC)

1-844-880-1574

Kev Tiv Thaiv Tus Neeg Laus/Minnesota Lub Tuam Tsev Hauj Lwm ntsig txog Cov Kev Pab Cuam Rau Tib Neeg

[Minnesota Lub Chaw Muab Kev Pab Cuam Tiv Thaiv Tus Neeg Laus \(https://mn.gov/dhs/people-we-serve/seniors/services/adult-protection/\)](https://mn.gov/dhs/people-we-serve/seniors/services/adult-protection/)

LUB CHAW UA HAUJ LWM NTAWM TUS NEEG PAB HAIS DAWS TEEB MEEM NRHIAV KEV NCAJ NCEES RAU

KEV SAIB XYUAS KHO MOB NCUA SIJ HAWM NTEV (OFFICE OF OMBUDSMAN FOR LONG-TERM CARE)1]PO

Box 64971

St. Paul, MN 55164-0971

1-800-657-3591 los sis 651-431-2555 (metro)

[Lub Chaw Ua Hauj Lwm ntawm Tus Neeg Pab Hais Daws Teeb Meem Nrhiav Kev Ncaj Ncees rau Kev Saib Xyuas Kho Mob Ncuas Sij Hawm Ntev \(Office of Ombudsman for Long-Term Care\) \(https://mn.gov/ooltc/\)](https://mn.gov/ooltc/)

MBA.OOLTC@state.mn.us

TSAB CAI LIJ CHOJ NRUAB NRAB -MINNESOTA/LUB CHAW SAIB XYUAS KEV CAI LIJ CHOJ HAIS TXOG KEV XIAM OOB QHAB HAUV XEEV MINNESOTA

111 N. Fifth St.

Suite 100

Minneapolis, MN 55403

Tus Xov Tooj Txais Neeg Mob: 1-877-696-6529

MN Lub Chaw Saib Xyuas Kev Cai Lij Choj Hais Txog Kev Xiam Oob Qhab: 1-800-292-4150

Cov Ntaub Ntawv: info@mylegalaid.org

MINNESOTA LUB TUAM TSEV HAUJ LWM NTSIG TXOG COV KEV PAB CUAM RAU TIB NEEG (MINNESOTA DEPARTMENT OF HUMAN SERVICES)

(Medicaid Txoj Kev Dag Ntxias thiab Kev Quab Yuam-cov teeb meem

txog kev them nyiaj)

Cov kev Pab Cuam Soj Ntsuam thiab Tshawb Xyuas Kev Ncaj Ncees

PO Box 64982

St Paul, MN 55164-0982

1-800-657-3750 los sis 651-431-2650 (metro)

DHS.SIRS@state.mn.us

RESIDENT BILL OF RIGHTS MINNESOTA NURSING HOME AND BOARDING CARE HOME

Minnesota Lub Tuam Tsev Ua Hauj Lwm Saib Xyuas Kev Noj Qab Haus Huv
Feem Saib Xyuas Txoj Cai Kev Noj Qab Haus Huv
PO Box 64900
St. Paul, MN 55164-0900
651-201-4200
health.fpc-licensing@state.mn.us
www.health.state.mn.us

12/22/2025

Yog xav tau cov ntaub ntawv no ua lwm hom ntawv, hu rau: 651-201-4200.